

“Denuncia dei redditi”: cun osta firma sön la “denuncia dei redditi” o söl mod. CU podëise destiné l’8‰ ala Dlijia Catolica y cun chësc ester de gran aiüt ala Dlijia. Dër bel giulan.

Conzert: “Due chitarre in concerto” en sabeda, ai 11.04.2015 dales 20:00 te Ciasa Runcher cun Hannes Campeï y Leopoldo Saracino. Düc é dër bel inviá.

Le Sorvisc ai Jogn lascia alsavëi che Giorgio Costabiei dará te Sorvisc ai Jogn informaziuns sura l’laur, sides chël da d’isté co ince chël anual por jogn y jones dla Val Badia. Da ciafé ai 10 d’aurí y ai 8 de má dales 15:30 ales 16:30 tla sënta dl **Sorvisc ai Jogn a Picolin** (0474/523070).

Lita dl Consëi de Comun - domënia, ai 10 de má 2015: l’aministraziun dl Comun de Badia lascia alsavëi che i litadusc/litadësses che á pordü la cherta da lité o che á la cherta bel plëna de stempli é bel inviá a gní tratan l’mëis de aurí tl ofize lital dl Comun de Badia por damané na cherta da lité nöia. Chësc por evité codes y tëmpe de spëta.

Referat: la biblioteca inviëia al referat dla dot. Dorigatti: “ *Bambini vivaci, irrequieti e un po’monelli sono sempre esistiti. Cerchiamoli nei libri*” te biblioteca a La lla en vëndres ai 10.04.2015 dales 15:00.

Cursc: la uniun dles Patrones dl Comun da San Martin organisëia n “*Curs da fá crafuns mori*” ai 08/04/15 y n “*curs da stricken n pice sbetter y imparé a fá mostres*” dai 15/04/15 inant pur 5 iadi a San Martin de Tor tl salf di stüdafüch. Prenotaziuns pro Loise al numer de tel. 0474/590026.

Teater: la Uniun Teater La Val inviëia da jí a ciaré al toch “*La nücia dl malan*” ai 11, 17 y 18 de aurí dales 20:30 o ai 12 o 19 de aurí dales 17:00 te salf dles manifestaziuns a La Val. Prenotaziuns al nr.338/9639893.

Referac dl grup Jogn Crusc Blanca Al Plan (tl salf Raiffeisen):



07 de aurí dales 20:00 - *Im Rausch der Drogen*

08 de aurí dales 19:30 - *Der junge Verbraucher im Internet*

09 de aurí dales 20:00 - *Rechte und Pflichten der Jugendlichen*

10 de aurí dales 20:00 - *Sessualità: argomento chiacchierato ma poco affrontato.*

Libri manifestaziuns: tröpes de chëstes manifestaziuns ciafëise ti pici libri, jödape de dljia, che podëis tó para.




Usc dla Cüra **BADIA**

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 19

Edema: 05.04.– 12.04.2015



PASCA 2015

Mort y ressorí a vita
nöia

.....

Düta nosta vita unse
da capí
chësc mister

Buona Pasqua - Frohe Ostern

FUNZIUNS SACRES

05.04. FESTA de PASCA dl SIGNUR

10.00 **Mëssa solena de Ressorenziun dl Signur**

Benedisciun dl spëises da Pasca

15.00 Öspi da Pasca

18.00 †to Giorgio Valentini – aniversar

†to Giovanni Valentin - aniversar

†ta Gerda Schulze Irsara – aniversar

• *Al cianta l'cor di ëi* •



06.04. LÛNESC de PASCA

10.00 †ta Paola Valentin da Pransarores - aniversar

†to Lois Irsara de Jan

por fam. Eduard y Nina Tavella

07.04. Mertesc - degüna S.Mëssa

08.04. Mercui

07.30 †ta Stefania Irsara de Parüs - aniversar

†to Guido Pizzinini / por les animes dl purgatore

09.04. Jöbia – *Mëssa cun i cresimanc y studënc*

19.30 †ta Agnes Pitscheider - aniversar

†ti dles families Thaler

†ti de Maria Nagler Valentini



10.04. Vëndres

07.30 †to Sepl Frenademetz - aniversar

†ti Luigi y Onorata Frenademetz

†ta Maria Vittur Profanter

11.04. Sabeda

16.00 Mëssa a Oies

12.04. II.DOMËNIA de PASCA – Domënia Blanca

Domënia dla Divina Misericordia

10.00 Mëssa por la Comunità

18.00 †ta Sabina Campeï - aniversar

†to Giarone Vittur - aniversar

†ta Angela Dariz – aniversar

†ti dla fam. Sandro y Emma Costa

Dala VITA dla CÛRA

Aodanzes de na bona y santa Pasca – « alleluia »

I cristians dl Oriënt se salüda en Pasca cun les beles parores: « *Le Signur é ressorí, alleluia* » y l'ater respogn: « *Al é veramënter ressorí, alleluia* ». N ater á scrit: « *Les ciampanes da Pasca aldi bëgn, mo al me fala la fede* ».

I se aodun de aldí l'invit ala festa y de sintí na bona fede y na gran ligrëza da se dé inant chësta bona noela de vita y pêsc.

siur degan

Confesciuns en Pasca: 08:00 - 09:30 y 17:00 - 17:45

Eserzizi: te Carsëma á n bel grup de porsones de nosta valada stlüt jö l'tru di "Exerziten im Alltag" dal titul « *im Herzen spüren - les 7 operes de misericordia spirituales* ». Düc chi che á tut pert á podü sintí la ligrëza dla fede y dé testimonianza de chësta fora tla vita da vigni de y vire plö coscenziosamënter, metan Chël Bel Dî al prüm post. Al é sté na sintida y bona preparaziun a Pasca. *Nos dla Cûra podun ma sostení de te iniziatives y invié ince a tó pert te n'atra ocajun. Giulan.*

Cere da Pasca: rengraziun Damiano, Elisabeth, Nicole, Tobias, Giada, Silvana, Elea, Nina y Ilenia che á daidé fá tan bel le cere da Pasca y a Maria, Agnes y Teresa che i á insigné jö.

Leturs: gnide präibel te sacrestia a tó la plata di leturs por i proscimi mëisc.

Pelegrinaje dles Ères Catoliches en Jeunn: les ères dla Val Badia tól pert al pelegrinaje de dötes les ères dla diozeja en Jeunn en sabeda, ai 18 d'aurí 2015. Al sará ince n bus dala Val Badia. Infos y prenotaziuns cina ai 15 d'aurí al tel. 3382430045 (Angela).

Onoranza: ai 12 de aurí do la gran mëssa, dales 11:00, ti vëgnel surandé al orghelist Paul la aodla d'or y l'diplom de onur por i 60 agn da orghelist. Le comun de Badia inviëia düta la popolaziun te Ciasa Runcher a fá festa cun ël.